

Serie A N.º 1177756

Sendo as vintetres horas e corenta minutos da data fixada no encabezamento, o sr Presidente levanta a sesión por non ser posible o seu normal desenvolvemento ante as continuas interrupcións do público asistente, en proba de todo o que, se estende a presente acta, que se inscribiu no Libro dende o folio núm. 102 do Papel Timbrado da Comunidade Autónoma de Galicia, Serie A nº 1177752 ata o folio núm. 106, Serie A núm. 1177756, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA ISABEL DEL CERRO DEL RIO

Dilixencia da secretaria da Corporación para facer constar que con data 13 de xullo de 2004 o sr. Alcalde Presidente efectuou o seguinte requerimento á voceira do Partido Popular, Francisca Canal Gómez:

“Mediante a presente requírolle que, no prazo máis breve posible, presente no Concello ó informe desfavorable emitido, ó parecer, por técnicos da Consellería de Política Territorial, Obras Públicas e Vivenda, en relación á fábrica de moenda, almacenamento e distribución de cemento e formigón a instalar en Redondela.

Tal requerimento baséase na necesidade de incorporar tal documento ó expediente da citada industria, e por resultar preciso para o levantamento da correspondente acta da sesión plenaria.”

A falta de achegamento do mencionado informe impide a súa incorporación á acta da sesión transcrita con anterioridade.

Redondela, 1 de setembro de 2004
A secretaria da Corporación,

Ana Isabel del Cerro del Río

SESIÓN ORDINARIA CELEBRADA POLO PLENO DO CONCELLO O DÍA
29 - XULLO - 2004

ORDE DO DIA

- 1.- RATIFICACIÓN DA RESOLUCIÓN RELATIVA Á ADXUDICACIÓN DA XESTIÓN DAS FRECUENCIAS DE T.V. DIXITAL.
- 2.- DAR CONTA DE EXPEDIENTES DE MODIFICACIÓN DE CRÉDITOS.
- 3.- MODIFICACIÓN DO CONTRATO FORMALIZADO CON ARTEPLAN GALICIA,S.L. PARA REDACCIÓN DO PXOM E EXECUCIÓN DE CARTOGRAFÍA.
- 4.- EXPEDIENTES DE CORRECCIÓN DE ERROS DAS NN.SS. MUNICIPAIS.
- 5.- EXPEDIENTE DE CONTRATACIÓN DE PRÉSTAMO A LONGO PRAZO 2/04, POR IMPORTE DE 2.000.000,00 DE EUROS.

- 6.- ADXUDICACIÓN DO EXPEDIENTE DE CONTRATACIÓN DA XESTIÓN INDIRECTA MEDIANTE CONCESIÓN DO SERVICIO PÚBLICO DA PISCINA CLIMATIZADA DE REDONDELA.

ACTIVIDADE DE CONTROL DO PLENO:

- 7.- DAR CONTA DE RESOLUCIÓN.

- 8.- MOCIÓN.

ROGOS E PREGUNTAS.

Na Casa do Concello de Redondela, sendo as vinte horas e trinta e cinco minutos do día vintenove de xullo de dous mil catro, baixo a Presidencia do 1º Teniente de Alcalde D. XOSÉ CARLOS PAZOS DOCAMPO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MÓNICA CARREIRA COUÑAGO, Dª. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, Dª. FRANCISCA CANAL GÓMEZ, D. JUAN TIZÓN CABAILEIRO, D. RODOLFO PATO GARCIA, D. ANTÓN DÍAZ MOURELLE, Dª. Mª DEL CARMEN AMOEDO DASILVA, D. JAIME DARRIBA VILAS, Dª. CECILIA PÉREZ ORXE, Dª. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, Dª. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor do Concello D. MODESTO SOLLA SANZ, actuando como Secretaria a Secretaria da Corporación DONA ANA ISABEL DEL CERRO DEL RIO, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asisten, excusando a súa ausencia, D. XAIME REI BARREIRO e D. FERMÍN ALFAYA PAZ.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.-RATIFICACIÓN DA RESOLUCIÓN RELATIVA Á ADXUDICACIÓN DA XESTIÓN DAS FRECUENCIAS DE T.V. DIXITAL.

Non se formulan observacións, e o Pleno do Concello, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda ratificar a resolución que se transcribe a continuación:

“RESOLUCIÓN ALCALDÍA

Examinada a Comunicación remitida pola Consellería de Cultura, Comunicación Social e Turismo de data 14 de maio do ano que andamos, que fai referencia a Lei 41/95 e o posterior Real Decreto 439/2004 de 12 de Marzo que aproba o Plan Técnico Nacional de Televisión Dixital, e polo mesmo a adjudicación de frecuencias de TV ós Concellos, esta Alcaldía ven en

RESOLVER

1º.-Solicitar a adxudicación da xestión das frecuencias de TV dixital correspondentes a demarcación que no devandito Plan aparece identificada como Vigo, ó tempo que manifesta a súa vontade de unificar criterios tendentes a unha xestión conxunta cos Concellos da devandita demarcación si os mesmos manifestaran tamén polo mesmo procedemento o seu interés no servicio obxecto de axudicación.

2º.-Comprométese a, unha vez informada positivamente a axudicación por parte da Xunta de Galicia, Consellería de Cultura, a presentar o oportuno proxecto técnico para a aprobación definitiva.



NUMERADO
CORPORACIÓNS
LOCAIS

Serie A N.º 1177757

3º.- Desta Resolución darase conta o Pleno da Corporación na próxima xuntanza que celebre, para a súa ratificación.

2.- DAR CONTA DE EXPEDIENTES DE MODIFICACIÓN DE CRÉDITOS.

Non se formulan observacións, e o Pleno do Concello, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), dase por enterado dos expedientes de modificación de créditos nº 6/04, 7/04 e 8/04.

3.- MODIFICACIÓN DO CONTRATO FORMALIZADO CON ARTEPLAN GALICIA,S.L. PARA REDACCIÓN DO PXOM E EXECUCIÓN DE CARTOGRAFÍA.

ANTECEDENTES.-

Dictame da Comisión informativa de Urbanismo de data 27 de xullo de 2004, que transcrito di:

"Votación e dictame

A comisión informativa de Urbanismo, en votación ordinaria e por maioría absoluta dos seus membros sendo oito votos a favor (4 PSOE, 2 BNG, 1 EU-IU e 1 RA) e tres abstencións (3 do PP), estima oportuno propoñer ó Pleno a adopción dos seguintes acordos:

1º aprobar a modificación do contrato relativa á necesidade da ampliación temporal do contrato, coas seguintes limitacións: dita prórroga deberá respetar o límite contractual de catro anos establecido pola lexislación contractual, o que determina que a data límite de remate do contrato sexa o dezaioito de xullo de 2005, e mailo contido das cláusulas 29 e 33 do prego de cláusulas administrativas, relativas á entrega dos traballos, e ó prazo de execución do contrato e penalidades administrativas, respectivamente.

2º rexeitar a modificación do contrato relativa á necesidade da ampliación da consignación económica, polos motivos expostos no informe xurídico de data 22 de xuño de 2004.

3º estimar oportuno, con base en razóns de interese público, e coa finalidade de evitar a posible resolución contractual, por resultar antieconómico para o contratista a adxudicación realizada no seu día, por ter que incorporar ó PXOM documentación de elevado custo económico, proceder á contratación mediante licitación pública convocada ó efecto da citada documentación"

DELIBERACIÓN.-

O voceiro de Redondeláns Adiante está de acordo con que se leve a adiante o expediente.

A voceira do PP anuncia a abstención do seu grupo dado que o expediente non se tramitou con dilixencia.

O voceiro do PSOE manifiesta a súa sorpresa ante a intervención de Francisca Canal. Houbo un cambio absoluto da lei, e os Concellos que seguiron coa tramitación do PXOM, como Marín, ou As Neves, recibiron informe desfavorable da Consellería pola falta de adaptación á nova lei do solo.

A maiores, resulta que o día 1 de xullo deste ano entrou no Parlamento unha nova modificación da lei, pois é tan mala que antes de dous anos da súa entrada en vigor, xa hai que modificala.

Por outra banda, existe o compromiso do equipo redactor de presentar en catro meses o documento para aprobación inicial.

A voceira do PP critica a falta de previsión por parte do grupo de goberno no momento de asinar o contrato, e iso non é culpa do PP.

VOTACIÓN E ACORDO

O Concello Pleno, en votación ordinaria e por maioría absoluta dos seus membros presentes, sendo trece votos a favor (7 do PSdeG-PSOE, 3 do BNG, 2 de RA e 1 de EU-IU), e seis abstencións (6 do PP) acorda aproba-lo dictame da Comisión informativa transcrito.-

4.- EXPEDIENTES DE CORRECCIÓN DE ERROS DAS NN.SS. MUNICIPAIS.

ANTECEDENTES.-

Dictame da Comisión informativa de Urbanismo de data 27 de xullo de 2004, que transcrito di:

"ANTECEDENTES

Con data 6 de novembro de 1987 aprobaronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicadas no Boletín Oficial da Provincia n1 85 de 14 de abril de 1988.

A Documentación grafiada realizouse sobre cartografía a esc 1:5000, e para os planos de detalle, a esc 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas téñense observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e a vista dos expedientes promovidos polos particulares que logo se citan e dos informes técnicos e xurídicos, favorables, obrantes nos respectivos expedientes, a comisión informativa de urbanismo, en votación ordinaria e por unanimidade dos membros presentes, estimou oportuno propoñer o Concello Pleno a corrección dos seguintes erros no documento das Normas Subsidiarias de Planeamento de Ámbito Municipal de Redondela.

1) MODIFICACIÓN DO PARCELARIO

1.1).- PROPOSTA

Proponse a corrección dos erros detectados no grafiado dos planos a escala 1:2000 sinalados e xustificados polos propietarios afectados.

1.2).- XUSTIFICACION DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di "As administracións públicas poderan, así mesmo, rectificar, en calquera momento, de oficio ou a instancia dos interesados, os erros materiais, de feito ou aritméticos existentes nos seus actos, e

Serie A N.º 1177758

por outra banda na Normativa e Ordenanzas das Normas Subsidiarias de Planeamento de Ámbito Municipal, no seu artigo 11.3 establécese: si se deran contradicções entre o plano e a realidade prevalecerá esta última. Polo tanto procede a modificación do plano parcelario recollendo a realidade existente.

"Votación e dictame

Á vista dos expedientes promovidos polos particulares que logo se citan e dos informes técnicos e xurídicos favorables, obrantes nos respectivos expedientes, a comisión informativa de Urbanismo, en votación ordinaria e por maioría absoluta dos seus membros sendo oito votos a favor (4 PSOE, 2 BNG, 1 EU-IU e 1 RA) e tres abstencións (3 do PP), estima oportuno propoñer ó Pleno a corrección dos seguintes erros no documento das NN.SS. de Planeamento de ámbito municipal de Redondela:

CONXUNTO DE PARCELAS QUE SE PROPÓN MODIFICAR

- D^a Patricia Pérez Darrosa, parcela sita en Coto-Cesantes, Redondela, por contradicción entre o grafiado no plano P-12 e a realidade, de acordo coa documentación adxunta.
- D^o Gonzalo Otero Martínez, parcela sita en Quinteiro-Quintela, Redondela, por contradicción entre o grafiado no plano P-26 e a realidade, de acordo coa documentación adxunta.
- D^o Leonardo Rancaño Pasarín, parcela sita en Coto-Cesantes, Redondela, por contradicción entre o grafiado no plano P-12 e a realidade, de acordo coa documentación adxunta.
- D^o Francisco-Javier Santos Martínez, parcela sita en Igrexa-Vilar de Infesta, Redondela, por contradicción entre o grafiado no plano P-19 e a realidade, de acordo coa documentación adxunta.
- D^a M^a de los Angeles Cabaleiro Otero, parcela sita en Rande-Cedeira, Redondela, por contradicción entre o grafiado no plano P-3 e a realidade, de acordo coa documentación adxunta."

VOTACIÓN E ACORDO.-

O Concello Pleno, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda aproba-lo dictame da Comisión informativa transcrito.-

5.- EXPEDIENTE DE CONTRATACIÓN DE PRÉSTAMO A LONGO PRAZO 2/04, POR IMPORTE DE 2.000.000,00 DE EUROS.

ANTECEDENTES.-

Dictame da Comisión informativa de Economía, Facenda e patrimonio de data 27 de xullo de 2004, que transcrito di:

"Tendo en conta que no estado de gastos do orzamento deste Concello para o ano 2004 figuran previstos diversos gastos de investimentos, e unha transferencia de capital, financiados total ou parcialmente mediante préstamo a longo prazo por importe de 2.000.000,00 de euros.

Considerando preciso contar co financiamento (mediante préstamo) necesario para realizar tódolos investimentos (e unha transferencia de capital) previstos no orzamento deste Concello para o ano 2004; esta Alcaldía propónlle ao Concello Pleno a adopción dos seguintes acordos:

Deliberación

(...)

Votación e dictame:

A Comisión informativa de economía, facenda e patrimonio, co voto favorable dos/as Sres/as Concelleiros/as dos Grupos Municipais do PsdeG-PSOE (4), do BNG (2) e do Grupo Mixto (1), e a abstención do Grupo Municipal do PP (3) e do Grupo Municipal de RA (1), emite o dictame seguinte:

Primeiro.-

Iniciar a tramitación do expediente administrativo correspondente ao préstamo a longo prazo 2/04 por importe de 2.000.000,00 de euros; préstamo destinado ao financiamento municipal dos seguintes investimentos, e dunha transferencia de capital, incluídos no anexo de investimentos do orzamento deste Concello para o ano 2004:

Partida	Destino	Euros préstamo
04 1211A62301	Equipo e programas informáticos	12.000,00
04 1211A62302	Central telefónica.....	12.000,00
04 1211A62500	Mobiliario, tabiques e cortinas Secretaría.....	9.300,00
04 123RE62700	Recoñecemento extraxudicial de crédito capítulo 6.....	50.000,00
04 2221A62700	Sinalización vertical.....	9.000,00
04 4223A62200	Adaptación patio cuberto para aulas música (P).....	47.588,57
04 4223A62500	Mobiliario conservatorio	12.350,00
04 422RE62200	Recoñecemento extraxudicial: obras conservatorio.....	1.248,27
04 4321B62700	Alumeados públicos.....	36.000,00
04 4321B62701	Alumeados públicos (P).....	27.063,16
04 4321C62700	Mobiliario urbano parques e xardíns	32.500,00
04 4321C62701	Rego automático xardíns.....	12.000,00
04 4411A60100	Saneamentos.....	60.000,00
04 4411A62700	Redes de auga e saneamento.....	441.950,00
04 4421A62300	Papeleiras e carros.....	6.000,00
04 4421A62301	Maquinaria tratamento do lixo.....	6.000,00
04 4421A62302	Mangueiras.....	1.000,00

Serie A N.º 1177759

04 4431A622	Obras cemiterio de Mañó.....	200.000,00
04 4521B62200	Instalacións deportivas.....	60.000,00
04 4631A62200	Edificios e outras construcións.....	18.000,00
04 5111A61100	Muros públicos en viais municipais.....	72.000,00
04 5111A61103	Camiños e vías públicas municipais.....	400.000,00
04 5111A62702	Marquesinas.....	36.000,00
04 5111A76100	Convenios coa Deputación: vías públicas.....	190.000,00
04 6221A62700	Mercado de Redondela.....	48.000,00
04 7211A62000	Proxecto e urbanización polígono industrial Chan das Pipas.....	200.000,00
Total.....		2.000.000,00

Segundo.-

As características do préstamo 2/04 serán as seguintes:

- * Contía: 2.000.000,00 de euros.
- * Destino: financiamento das aportacións municipais aos investimentos (e á transferencia de capital) indicados apartado anterior.
- * Prazo total: 12 anos.
- * Prazo de amortización: 10 anos (do 31 ao 121 anos).
- * Período de carencia: 2 primeiros anos.
- * Amortizacións e xuros: por trimestres naturais vencidos (debendo comunicar o prestamista ao Concello de Redondela, con 15 días hábiles de antelación, os importes correspondentes dos xuros e da amortización, de cada período).
- * Tipos de xuro: tipo variábel, referenciado ao Euribor a un ano máis/menos diferencial ofertado, sen redondeo.
- * Gastos de estudo: exento.
- * Comisión de apertura: exento.
- * Gastos por reembolso anticipado total ou parcial: exento.
- * Comisión de dispoñibilidade: exento.
- * Calquera outro tipo de gastos: exento, incluídos fedatarios, gastos por cheques, transferencias, correo, apuntes, mantemento, seguro de tipo de xuros, etc.

* Garantías, avais, efectación de recursos: exento.

* Disposición do préstamo: o importe do préstamo poderase desembolsar conxunta ou fraccionadamente a petición do Concello de Redondela durante os dous primeiros anos, mediante ingreso nunha conta aberta polo Concello de Redondela na entidade prestamista, devengándose xuros exclusivamente, nos dous primeiros anos, polas cantidades efectivamente aboadas (a petición do Concello) na conta antes citada a partida da data da súa disponibilidad efectiva na mesma.

* Modelo de contrato: deberase unir á oferta o modelo completo de contrato de préstamo no que queden recollidas (entre outras) tódalas características indicadas no apartado segundo desta proposta; coa indicación expresa da aceptación íntegra e non condicionada de tódalas características do préstamo a longo prazo 2/04.

* Validez das ofertas: as ofertas deberán ter unha válidez mínima até o día 30.09.04.

* Formalización: dentro dos cinco días hábiles seguintes ao de recepción da notificación do acordo de adxudicación.

Terceiro.-

O Concello de Redondela publicará un anuncio, no Boletín oficial da provincia de Pontevedra, referido ao préstamo a longo prazo 2/04, no que figuran as características do préstamo así como o prazo (13 días hábiles desde a publicación do anuncio) e o lugar de presentación das proposicións; sen prexuízo de cursar invitacións a bancos e caixas de aforro.

Cuarto.-

O expediente administrativo e as ofertas recibidas serán informadas polo Interventor Xeral no Concello de Redondela, correspondendo ao Concello Pleno determinar o banco ou a caixa de aforros co que será asinado o correspondente contrato de préstamo, sen prexuízo de que o Concello Pleno poida acordar, no seu momento, non realizar (total ou parcialmente) o préstamo a longo prazo 2/04.”

DELIBERACIÓN.-

O voceiro de Redondeláns Adiante non quere que se paralice o Concello, pero tampouco que se hipoteque máis, por esta razón vaise abster.

A concelleira do BNG, Cecilia Pérez Orxe está a favor do préstamo xa que vai dirixido a investimentos de vital importancia para o Concello.

A voceira do PP está en contra, como xa manifestou no debate do orzamento, inflado e deficitario. O grupo de goberno debe facer un estudo de saneamento e non recurrir a crédito. Incluso incorporan as aportacións municipais para plans de obras financiados por outras Administracións. Pregunta a onde se dirixen tódolos cartos recadados polo Concello coas taxas municipais.

O voceiro do PSOE contesta que négase a explicarlle unha vez máis a Francisca Canal que resulta imposible aprobar un orzamento deficitario. Lembra os préstamos e os incrementos de taxas e impostos realizados polo PP durante o seu mandato. Resulta que concertaron o crédito máis caro e incluso non poideron gastalo na súa totalidade.

Resulta necesario acudir a crédito porque os Concellos están obrigados a cubrir os servizos que debería prestar a Xunta. Deberíanse reformar as aportacións autonómicas ós Concellos.

Serie A N.º 1177760

O voceiro de EU-IU amósase a favor do crédito, que non resulta nada novo por canto xa viña previsto no presuposto.

A concelleira Pérez Orxe considera que o debate debe centrarse na contratación do préstamo, e non no orzamento municipal.

A voceira do PP propón que se tramite unha modificación de créditos das partidas destinadas a gastos completamente superfluos. Considera que debe xestionarse mellor, e endebedarse menos. Xustifica o préstamo concertado polo PP nas moitas débedas sen pagar deixadas polo anterior goberno do PSOE.

Remata a súa intervención afirmando que comprende a postura dos socios de goberno, que vén motivada pola necesidade de manter os seus postos.

O voceiro do PSOE refírese o incremento da débeda contraída polo PP durante o seu goberno con distintas empresas, que hoxe foi liquidada na súa totalidade. Por outra banda, a xestión nefasta do PP incluso provocou que lle cortaran o suministro de luz. Propón que sexa o PP o que realice as propostas de modificación de créditos ou formulen un orzamento alternativo.

VOTACIÓN E ACORDO.-

O Concello Pleno, en votación ordinaria e por maioría absoluta dos seus membros presentes, sendo once votos a favor (7 do PSdeG-PSOE, 3 do BNG, e 1 de EU-IU), dúas abstencións (2 de Redondeláns Adiante) e seis votos en contra (6 do PP), acorda aproba-lo dictame da Comisión informativa transcrito.-

6.- ADXUDICACIÓN DO EXPEDIENTE DE CONTRATACIÓN DA XESTIÓN INDIRECTA MEDIANTE CONCESIÓN DO SERVICIO PÚBLICO DA PISCINA CLIMATIZADA DE REDONDELA.

ANTECEDENTES.-

Dictame da Comisión informativa de Economía, Facenda e patrimonio de data 27 de xullo de 2004, que transcrito di:

"Deliberación:

O Sr. González Iglesias, manifesta que ao mesmo tempo que se adxudica a concesión, se aproban as tarifas como prezos privados.

Votación e dictame.-

A Comisión Informativa de Economía, Facenda e Patrimonio, en votación ordinaria e por unanimidade dos/as Sres./as Concelleiros/as asistentes, sendo 11 votos a favor (3 do PP, 4 do PSdeG-PSOE, 2 do BNG, 1 de RA e 1 de EU-IU), estimou oportuno propoñer ao Concello Pleno, a adopción dos seguintes acordos:
Proponse:

Primeiro.- Resolve-los reparos formulados polo Sr. Interventor municipal no seu informe T 40/04.

Segundo.- Declara-la validez do acto de licitación.

Terceiro.- Adxudicar a SERVICIO, Cultura, Deporte y Recreación, S.L., con enderezo en Carballo (A

Coruña), rúa Vázquez de Parga, 5-21, o concurso convocado para a contratación da XESTIÓN INDIRECTA, MEDIANTE CONCESIÓN, DO SERVICIO PÚBLICO PISCINA CLIMATIZADA DE REDONDELA, con suxeición estrita ó prego de cláusulas administrativas particulares e prescricións técnicas aprobados e á proposición presentada.

Cuarto.- Proceder á cancelación e devolución das garantías provisionais a tódolos licitadores, así como da documentación presentada se o solicitan, agás ó adxudicatario.

Quinto.- Notificar á adxudicataria os presentes acordos requiríndoa para que constitúa, no prazo de 15 días naturais, a fianza definitiva polo importe de 120.000 , citándoa para que concorra a formalizar contrato en documento administrativo.

Sexto.- Requerir á adxudicataria para que, con carácter previo á sinatura do documento de formalización do contrato, ingrese nas arcas municipais o importe de 894,56 correspondentes ós gastos de publicidade da licitación do concurso (789,75 pola publicación no D.O.G. e 104,81 no B.O.P.).

Sétimo.- Publica-la adxudicación no Boletín Oficial da Provincia no prazo de corenta e oito días dende a data da adxudicación do contrato.

Así mesmo, notificaráselle esta Resolución ós demais licitadores.”

VOTACIÓN E ACORDO.-

O Concello Pleno, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda aproba-lo dictame da Comisión informativa transcrito.-

Así mesmo o Concello Pleno presta a súa conformidade á proposta de prezos que presenta a empresa adxudicataria e que se transcribe de seguido:

		PRECIOS IVA incluido	
1.-	CUOTAS DE INSCRIPCIÓN MATRICULA SOCIO-ABONADO * EXCEDENCIA		12,00_ 6,00_
2.-	SOCIO-ABONADO	SOLO PISCINA	PISCINA + SALA FITNESS
	Individual adulto	16,00_	22,00_
	Individual menor de idade		13,00_ 18,00_
	Individual jubilados CON informe de Servicos Sociais		8,00_ 11,00_
	Individual jubilados SIN informe de Servicos Sociais		13,00_ 18,00_
	Familiar de 2 integrantes **		20,00_ 26,00_
	Familiar de 3 y seguintes ***		22,00_ 28,00_
	Familiar de 2 jubilados CON informe		10,00_ 13,00_
	Familiar de 2 jubilados SIN informe		16,00_ 21,00_
3.-	ENTRADAS USO LIBRE		
	Sesión baño libre adulto (45')		2,50_
	Sesión baño libre menor de idade y jubilados (45')		2,00_

Serie A N.º 1177761

Sesión baño libre + sala fitness (sin límite de tiempo) 3,00_

4.- ALQUILER INSTALACIONES

Uso calle piscina Club Nautico Redondela + Club Waterpolo (45')

3,00_

Uso calle piscina otros clubs (45')

12,00_

Uso de la piscina para competiciones (1/2 día)

150,00_

ABONADOS NO

ABONADOS

5.- ACTIVIDADES ACUÁTICAS

a) Adultos

PRECIO / MES

PRECIO / MES

1 día/sem

4,00_

10,00_

2 días/sem

8,00_

20,00_

3 días/sem

12,00_

25,00_

b) Infantil

PRECIO / MES

PRECIO / MES

1 día/sem

4,00_

7,50_

2 días/sem

8,00_

13,50_

3 días/sem

12,00_

22,00_

c) Bebés

PRECIO / MES

PRECIO / MES

1 día/sem

4,00_

10,00_

2 días/sem

8,00_

20,00_

d) Recupera

PRECIO / MES

PRECIO / MES

2 días/sem

8,00_

23,00_

3 días/sem

12,00_

28,00_

e) Aquagym

PRECIO / MES

PRECIO / MES

1 día/sem

4,00_

12,00_

2 días/sem

8,00_

16,00_

3 días/sem

12,00_

25,50_

6.- CURSOS SALA FITNESS

ABONADOS NO ABONADOS

Cursos sala fitness/ 1 día semana

4,00_

10,00_

Cursos Especiales/ 1 día semana ****

6,00_

15,00_

7.- ENTRENAMIENTOS PERSONALIZADOS

PRECIO / MES

Fitness (sólo para abonados)

9,00_

Natación (sólo para abonados)

9,00_

Combinado: fitness + natación(sólo para abonados)

12,00_

ABONADOS

NO

ABONADOS

8.- SERVICIO SALUD

Tratamiento fisioterapia y derivados/sesión ****

15,00_

15,00_

Servicios médicos

30,00_

30,00_

9.- OTROS PRECIOS

Seguro médico accidentes (voluntario)

22,00_

Sustitución tarjeta socio	2,00_
Devolución de recibos bancarios	1,50_

ABONADOS	ABONADOS	NO
Sesión Solarium 2,90_	3,60_	
Bono 10 sesiones Solarium	27,00_	32,00_

NOTAS ACERCA DE LOS PRECIOS

- 1.- La matrícula de socio-abonado es única, y se abonará únicamente en el momento de la inscripción. Si en algún momento se dan de baja, en el momento de su reincorporación deberán pagar una cuota de excedencia. Los familiares de abonados, al adherirse al titular no tienen que abonar matrícula.
 - 2.- El cobro, excepto en el caso de entradas de uso libre, se establece por domiciliación bancaria.
 - 3.- Las categorías para la organización de las actividades se distribuyen según edades de la siguiente manera: Bebés: de 12 a 36 meses; Preescolar: 3 y 4 años; Infantil: >4 años y <= 16 años, adulto: >16 años hasta 64 años. Tercera edad: >= 65 años.
 - 4.- Las actividades en piscina se organizan en clases de 45 minutos de duración, con la excepción de los cursos para bebés y preescolares que son de 30'.
 - 5.- Todas las actividades acuáticas tienen carácter trimestral, aunque el precio se establece mensual.
 - 6.- Los precios se revisarán anualmente en función del índice de precios al consumo (IPC).
 - 7.- Todos los precios figuran con impuestos incluidos.
- * Sólo para nuevos socios o para que se den de alta a partir del primer trimestre de la nueva adjudicación.
- ** Se entiende por familiar de 2 miembros, a matrimonios o parejas de hecho; adulto + 1 hijo; 2 hermanos menores de edad, Matrimonio o parejas de hecho + hijos menores de edad; 1 adulto más hijos menores de edad
- *** Se entiende por familiar de 3 miembros ó más, a matrimonios o parejas de hecho + 1 hijo menor de edad; adulto + 2 hijos menores de edad; 3 hermanos menores de edad, y así sucesivamente.
- **** Se recojen aquí todos aquellos cursos de nueva creación, que por la evolución del sector son demandados por los usuarios.
- *****Se estableceran ofertas sobre el precio fijado para facilitar aquellas actividades de este servicio con poca demanda.

ACTIVIDADE DE CONTROL DO PLENO:

7.- DAR CONTA DE RESOLUCIÓN.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 26 de xuño ó 26 de xullo de 2004.-

8.- MOCIÓN.-

8.1. Moción de Esquerda Unida-Izquierda Unida

Sometida a votación a urxencia da moción o Concello Pleno acorda co quórum da maioría absoluta do número legal dos seus membros, e por unanimidade dos seus membros presentes aprobar a declaración da citada urxencia, de conformidade co artigo 83 do Real Decreto 2568/86, de 28 de novembro.

D. Manuel Pérez Pardo, como voceiro do Grupo municipal de EU-IU, no Concello de Redondela, e o abeiro do disposto no Regulamento Orgánico de Funcionamento, presenta ante o Pleno da Corporación Municipal a seguinte Moción, en base os seguintes

Serie A N.º 1177762

MOTIVOS

O ferrocarril viuse sometido o abandono sistemático e premeditado, marcado por unha política suntuaria na alta velocidade, o desmantelamento dos servizos públicos e a preparación da privatización, esquecendo as ventaxas ambientais, económicas e sociais. Esta política tradúcese en , peche de liñas, desaparición de servizos, peche de talleres, destrución de postos de traballo, diminución do número de trens e de prazas ofertadas, incremento das tarifas, peor mantemento da infraestructura e do material, etc.

As organizacións políticas, sociais e cidadáns temos o deber de manifestar, o rexeitamento a unha política de transporte insostenible, guiada por intereses económicos particulares e contraria a os intereses da sociedade. Os cidadáns , ao mesmo tempo usuarios e propietarios do ferroacarril, deben participar activa e directamente nas decisións que lle afectan a este modo de transporte.

Polo tanto reclamamos que o ferrocarril sexa peza clave no sistema de transporte, fomentando a súa utilización prioritaria tanto nos desprazamentos persoais como no transporte de mercadorías.

E por isto que o Grupo Municipal de EU-IU, conscente de que o ferrocarril debe manterse como servizo de titularidade pública, solicita ó Pleno da Corporación Municipal de Redondela, adopte o seguinte acordo:

1.- Instar a dirección de RENFE e o Ministerio de Fomento, para que se rexeiten os plans da empresa ferroviaria de deixar a Redondela sen a venda de billetes, tanto de venta anticipada como de trens rexionais deixando sen servizo a todo o municipio de Redondela, e a todo o área norte da Mancomunidad de Vigo, así como a destrución dos tres postos de traballo que supón a prestación deste servizo, tal e como recolle unha resolución do Comité de Empresas de RENFE de Pontevedra.

DELIBERACIÓN.-

Os voceiros de Redondeláns Adiante e BNG están a favor da moción.

A voceira do PP tamén apoia a moción , pero formula a seguinte enmenda: que se mellore a sinalización e as instalacións de A Picota.

O voceiro do PSOE apoia a moción, ó tempo que critica a postura reivindicativa do PP cando deixa de gobernar en Madrid.

O voceiro de EU-IU manifesta que pode recollerse a proposta de melloras pero non a sinalización, pois non quere desvirtuar o fondo da moción, que é evitar a redución dos servizos.

Sometido a votación a enmenda formulada pola voceira do PP, o Pleno da Corporación acorda non aprobar a citada enmenda sendo oito votos a favor (6 do PP e 2 de Redondeláns Adiante) e once votos en contra (7 do PSOE, 3 do BNG e 1 de EU-IU) da enmenda.

VOTACIÓN E ACORDO.-

O Concello Pleno, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda aproba-lo texto da moción antes transcrita.

8.2. Moción do BNG

Sometida a votación a urxencia da moción o Concello Pleno acorda co quórum da maioría absoluta do número legal dos seus membros, e por unanimidade dos seus membros

presentes aprobar a declaración da citada urxencia, de conformidade co artigo 83 do Real Decreto 2568/86, de 28 de novembro.

A concelleira do BNG, Cecilia Pérez Orxe explica o contido da moción, que se transcribe a continuación:

“Nos últimos anos moitos pais e nais do noso Concello veñen comprobando como a Consellería de Familia non da resposta as necesidades de apoio a infancia creando un número de prazas suficientes na gardería da Marisma que fagan fronte ás demanda deste servizo. No canto de apoiar o acceso ao mundo laboral de pais e nais de familia ofrecendo un servizo de calidade, a actitude irresponsable da Consellería obriga a moita nais tarballadoras a renunciar ao dereito a un posto de traballo.

Ainda é máis preocupante esta situación ao comprobar que parte do espazo físico da Gardería da Marisma está sendo infrautilizada. As previsións para o curso 2004/2005 e duns 40 cativos e cativas escolarizados na mesma. No canto de dar solución a estes problemas, os/as responsabeis da Consellería limítanse a dar largas as demandas das familias e do propio Concello de Redondela.

Por todo o anterior, o grupo municipal do BNG somete a consideración do Pleno a adopción dos seguintes acordos:

1- Que o Concello urxa aos/as responsabeis da Consellería de Familia, Xuventude, Deporte e Voluntariado:

A) A creación de novas unidades de gardería, co conseguinte aumento no número de prazas de atención a primeira infancia no Concello de Redondela.

B) Dotar do orzamento e persoal suficiente a Gardería da Marisma para que poida funcionar ao 100% da súa capacidade a partir do curso 2004/2005.”

DELIBERACIÓN.-

Os voceiros de EU-IU e de Redondeláns Adiante apoian a moción.

A voceira do PP rexeita a moción, pois a Consellería xa procedeu a aumentar o número de prazas e o persoal adicado ó centro. Os Concellos son responsables das gaarderías e o Concello debe crear outra gardería municipal. A Xunta financia a infraestrutura e a Corporación financia o seu mantemento. Esta moción supón unha manifestación de descoñecemento da política e da normativa en materia de guarderías.

O voceiro do PSOE critica que Francisca Canal soamente defenda o seu amo, que é o PP, e non ós cidadáns de Redondela. Informa que as transferencias de competencias non son unilaterais, e que o Concello solicitou tres veces á Xunta a construción dunha gardería en Chapela.

A concelleira Pérez Orxe di que púdose incrementar o orzamento pero aínda hai nenos que quedan fóra. Ante esta situación a única solución proposta pola Xunta é o cheque asistencial para acudir a garderías privadas. E esta alternativa non é de recibo, por canto a oferta pública de prazas debe ser do cen por cen.

O voceiro de EU-IU sinala a contradicción da postura do PP: máis competencias ós Concellos pero sen cartos, e a conciliación da vida familiar e laboral sen orzamento queda valeira de contido.



NUMERACIÓN
CORPORACIÓNS
LOCAIS

Serie A N.º 1177763

A voceira do PP manifesta que a única solución é a creación dunha nova gardería, pero isto require que o grupo de goberno realice as xestións oportunas na Xunta. Critica a falta de xestión do goberno municipal, que perde as subvencións porque nons as solicita nin as xustifica, o que se exemplifica co corte de teléfono no centro de saúde.

O voceiro do PSOE solicita que o PP explique as razóns polas que o Concello ten que pagar o mantemento do centro de saúde de Chapela e non o de Redondela, cando é competencia da Xunta, e o SERGAS recibe cartos para o seu mantemento.

A concelleira Pérez Orxe sinala que na FEGAMP incluso os Alcaldes do PP queren desprenderse do mantemento dos centros de saúde e ensino. O ensino é competencia da Xunta.

A voceira do PP formula a seguinte enmenda: que se solicite a creación dunha gardería en Chapela.

A concelleira Pérez Orxe contesta que xa se contén no texto da moción.

VOTACIÓN E ACORDO.-

O Concello Pleno, en votación ordinaria e por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda aproba-lo texto da moción antes transcrita.

8.3. Moción do Partido Popular

Pola Presidencia propónse que o asunto sexa incorporado o Pleno do vindeiro mes unha vez se realicen as averiguacións pertinentes.

A voceira do PP rexeita a proposta.

Sometida a votación a urxencia da moción o Concello Pleno acorda co quórum da maioría absoluta do número legal dos seus membros, e por unanimidade dos seus membros presentes aprobar a declaración da citada urxencia, de conformidade co artigo 83 do Real Decreto 2568/86, de 28 de novembro.

“Francisca Canal Gómez, maior de idade, veciña de Redondela na súa condición de Portavoz do Grupo Político do Partido Popular dirixese ó Pleno do Concello e ó abeiro do establecido no art. 97 do Regulamento de Organización, Funcionamiento e Réxime Xurídico das Entidades Locais, presenta a seguinte moción:

MOCION

Ante o mal estado no que se encontra o denominado Mercado de Ganado de Redondela, xa que a súa situación é completamente precaria e insalubre e non tendo os requisitos mínimos para que se poida levar a cabo nel a actividade para o que está creado. O Partido Popular presenta esta moción para converter o mercado de Gando de Redondela nun mercado autorizado pola Consellería de Política Agroalimentaria e Desenvolvemento Rural (Xunta de Galicia), para que non se produzan situacións como as que se están producindo na actualidade tales como:

Un Mercado autorizado polo Concello de Redondela, polo que cobra unha taxa e expide un carnet de uso da instalación, cando este mercado non está autorizado pola Xunta de Galicia por carecer de instalacións adecuadas para realizar ese tipo de actividade.

Polo antes exposto solicito ó pleno que se tome o seguinte acordo:

- Tomar as medidas necesarias (obras de acondicionamiento do espacio, permisos necesarios, etc.) para que as instalacións cumplan os requisitos legalmente establecidos e así conseguir a autorización necesaria da Consellería de Política Agroalimentaria.

- Facer as xestións oportunas para que este Mercado dispoña de servizos veterinarios.

Por todo isto este grupo municipal solicita o pleno o sometemento a aprobación desta moción.”

DELIBERACIÓN.-

O voceiro de EU-IU está en contra da moción porque o único que pode facerse coa feira e mantela, xa que as inversións requiridas para a súa adaptación obrigarían o seu peche. O PP debería estudar antes o tema, e enterarse de que o grupo de goberno xa realizou as xestións debidas.

O voceiro de Redondeláns Adiante está a favor da moción.

A concelleira do BNG, Cecilia Pérez Orxe pide que o PP reconsidere a súa postura, porque antes haberá que facer os oportunos estudos e cálculos. Critica que o concelleiro Bastos Fernández non lle preocupara o tema cando tiña atribucións en mercados.

O voceiro do PSOE sinala que hai que avaliar as inversións necesarias e os ingresos recadados por taxas. No Concello non hai máis de tres explotacións agrarias. Se non se deixa a moción para o vindeiro Pleno, haberá que rexeitala.

A voceira do PP di que o mercado de gando incumpe a normativa e non conta coa autorización da Xunta, o que supón unha irresponsabilidade é unha negligencia. O PP trae propostas e o grupo de goberno, a través do seu pacto, limitase a rexeitalas.

A Presidencia pechou o debate manifestando que esta proposta, nos termos nos que ven formulada, supón pechar a feira de Redondela.

VOTACIÓN E ACORDO

Sometido o asunto a votación, O Concello Pleno, en votación ordinaria e por maioría absoluta do número legal dos seus membros, sendo once votos en contra da aprobación da moción (7 do PSdeG-PSOE, 3 do BNG, e 1 de EU-IU) e oito votos a favor da súa aprobación (6 do PP e 2 de Redondeláns Adiante), acorda rexeita-lo texto da moción antes transcrita.

ROGOS E PREGUNTAS.

Non houbo intervencións neste punto.

E, non habendo máis asuntos que tratar, pola Presidencia dase por rematada a presente sesión, sendo as vinteunha horas e corenta minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 106 do Papel Timbrado da Comunidade Autónoma de Galicia, Seria A nº 1177756 ata a volta do folio núm. 113, Serie A núm. 1177763, de todo o que, como Secretaria, DOU FE.-

O 1º TENIENTE ALCALDE

A SECRETARIA XERAL

XOSE CARLOS PAZOS DOCAMPO

ANA ISABEL DEL CERRO DEL RIO



NUMERADO
POR RACIÓNS
LOCAIS